

Tachelhit - Healing Scriptures

Matta 4:23,24 izayd yasue ar-itkka tamazirt n-jalil kullutt, ar-isslmad ġ-tgħwmma n-tzallit, ar-itbrrah s-lħbar ifulkin n-tgħidit n-ignna, ar-ijjuji mddn zgħ-kraygatt tamaqunt ula kraygatt aṭṭan nna-għisn-illan. 24 sfldn fillas kullu mddn ġ-tmazirt n-suriyya, awin-as-d kullu ma-ihršn s-mknna tga-tmazunt ula aṭṭan, gn-iyt ikušamn nġđi imjnan nġđi ġwilli issṭar-uslay, ijjuji-tn kullutn.

Matta 8:16,17 Iliġ-di-truħ-tħadġat awin-d i-yasue mddn ggutnin Ili-ġ-llan l-jnun. ar-zgisn-issufuġ l-jnun s-yan-wawal, ijjuji kullu willi uđnnin. 17 ġmkan a-s-juwfawwal n-nnabi išaeya inna «nttan a-issittin timuḍan-nng, yasi aṭṭan-nng.»

Matta 9:35 ar-itkka yasue kullu timdinin ula iduran, ar-isslmad ġ-tgħwmma n-tzallit ar-itbrrah s-lħbar ifulkin n-tgħidit n-ignna, ar-ijjuji mddn zgħ-kraygatt tamaqunt ula kraygatt aṭṭan nna-għisn-illan.

Matta 10:1 iġr-d yasue i-imħdarn-ns s-sin d-mraw s-dars, ifk-asn tazċċart ad-ssufuġn l-jnun wħišnn ar-jjuijin kraygatt tamaqunt ula aṭṭan. (Marqus 3:14,15)

Matta 10:8 jjuijjiyat imuḍan-nsn, ar-tssnkarm ġwilli mmutnin, ar-tssġusm injdamn, ar-tssufuġm l-jnun. akkayat bla-da-ttamżem yat, ašku tumżem bla tkam yat.

Matta 11:5 ha-ibukađn ar-ttisfiwn, ikušamn ar-fettu, injdamn ar-tġusn, iħrqar ar-sflidn, ġwilli mmutnin ar-d-nkkern ula imzlaq ar-tnejx l-ħbar ifulkin. (Išaeya 35:5)

Matta 12:15 issn yasue mad-qşadn, iftu zgħiġi. Ɂfurn-t mddn ggutnin, ijjuji kullu ma-ġ-llant-tmuḍan,

Matta 15:30 munn-d fillas mddn ggutnin, awin-as-d ikušamn d-ibidarn d-ibukađn d-iznżam d-wiyyad ggutnin, srsn-tn-d ġ-dar idarn-ns ijjuji-tn.

Matta 17:20 yini-asn: «ašku idrus liman-nnun. Iħeqq a-radawn-iniġ, iġ-gigun-illa liman unšk n-taqqayt imżżeen l-ħerdl, ra-tinim i-uwrir-ad 〈itti zgħid s-ġin〉 ra-iskr s-mad-as-tħannam. ur-ra-yili kra mi ur-tzgħarm.

Marqus 1:34 ijjuji imuḍan ggutnin zgħiġ kullu timuḍan Ili-għisn-llan issufg kigan d-ljnun. ur-yudji l-jnun a-fllas-sawaln, ašku ssnn ntnejha ma-iga.

Marqus 3:10 ašku ġ-uwssan-an ar-ijjuji mddn ggutnin aylliġ a-d-fillas-ħġarn kullu ma-ġ-llant-tmuḍan baš ad-as-għarr.

Marqus 6:5,6 ur-yufi a-ġin-iskr kra l-Imejżizat abla isrs ifassn-ns f-kra n-imuḍan drusnin ijjuji-tn. 6 itejjeb yasue ġ-mddn-an, ašku ur-rin a-srs-amnn. iddu ar-itkka iduran n-tmazirt-an ar-isslmad.

Marqus 6:13 ar-ssufuġn l-jnun ggutnin ar-zgħġiġ kigan d-imuḍan s-żżejjur kien.

Marqus 6:55,56 ar-di-tazzaln zgħiġ kollutt, ar-di-tawin imuḍan f-imjdan-nsn s-illi mi sfldn illa għiex yasue. 56 innas idda ġ-iduran nġđi timdinin nġđi timizar, ar-as-d-srasn imuḍan ġ-laswaq ar-ti-tħalabn a-tnejx yadj ad-as-għarr, waħha ġiř i-tama n-tmlisit-ns. kullu mad-as-igħarr iżżejj.

Marqus 8:23-25 yamž yasue i-ubukad ġ-ufus yawi-t s-brra n-uduwwar, issufs-as-n-ġ-walln-ns isrs fillas ifassn-ns. isqsa-t: «is-tżżejt kra?» 24 abukađ yull-d alln-ns yini-as: «żriġ mddn zund isġġarn ar-fettu.» 25 isrs-n-daq yasue ifassn f-walln-ns. issmaqqi-d-urgaz ġakudan yisfiw, iż-żi kraygatt kra ibayyn-as.

Marqus 9:29 yini-asn: «wan l-jnn-an ur-ra-ti-tssufuġm abla iġ-a-tħalabm rabb.»

Marqus 16:17,18 ra-ifk rb̄bi timitar-ad i-willi umnnin, rad-ssufuġn l̄jnuġ s-ism-inu, rad-sawaln s-iwaliwn l̄-ljdid. 18 iġ-usin ilgmmađn ula iġ-swan kra inqqan ur-ra-tnidru. rad-srasn ifassn-nsn f-imuđan jjin.»

Luqa 4:18 «illa flla rruħ n-sidi rb̄bi. iżli-yyi ad-d-awiġ l̄ħbar ifulkin i-imzlađ, iniġ i-willi tyamażnin 〈rb̄bi rad-awn-ifsi,〉 iniġ i-ibukađn 〈rb̄bi ra-kʷn-irar a-tisfiwm.〉 yazn-iyi-d ad-fukkuġ ġwilli-f-idr̄ lbađl,

Luqa 4:40 Iliġ-n-tđr tafukt aškin-d mddn ggutnin s-dar yasue, ar-di-tawin ġwilli uđnnin s-tmuđan ggutnin. ar-n-isras ifassn-ns f-kraygatt yan gisn ar-tn-ijjuji.

Luqa 5:15 walaynni ar-fllas-sawaln mddn s-uggwar, awin l̄ħbar s-kraygatt mani. ar-di-ttaškin s-kigan baš ad-sfldn i-iwaliwn-ns jjin dars zġ-tmuđan-nsn.

Luqa 5:17-25 yan-wass yasue ar-isslmad mddn. gawrn ġ-gratsn kra n-mddn l-Imdhb n-ifarisin d-kra n-imslmdn n-ššre, uškan-d zġ-kullu timdinin n-jalil ula zġ-yudaya d-tmdint n-urušalim. yasue tlla-gis-thķimt itjhhdn n-rb̄bi a-ijjuji imuđan. 18 aškin-d kra n-mddn asin-d yan-urgaz ikušmn ign f-imjdin-ns. irin a-t-in-srsn ġ-lgħiddam n-yasue, 19 walaynni ur-ufin mamnk a-t-šķšamn ašku tēmmr-tgħġġi s-mddn ggutnin. ssġlin-t ilmma s-ukfaf f-iggi n-tgħġġi, zzugzn imjdin lli-f-ign zġ-gr lyajur s-wammas n-mddn ġ-lgħiddam n-yasue. 20 iżr yasue mamnk a-bahra-srs-umnn, isawl s-ukušam yini-as: «way-argaz, ittin fllak ddnub-nnk.» 21 bdun imslmdn-lli n-ššre d-ifarisin ar-swingimn d-ihfawn-nsn: «ma-iga ġwad ar-isawal s-Ikufr? ma-iżdarn a-issitti ddnub abla rb̄bi waħdu?» 22 imma yasue issn ma-ġ-a-swingimn, yini-as: «maħ aylliġ a-tswingimm d-ihfawn-nnun ġmkad? 23 ma-gisn-irħan, ad-iniġ 〈ittin fllak ddnub-nnk〉 nġd ad-iniġ 〈nkr ar-ttidut?» 24 imma ġilad rad-awn-mlg̈ is-dari tażḍopard ġ-ddunit ad-ssittiġ ddnub, nkki lli-igan yus n-bnadm.» isawl ilmma s-ukušam yini-as: «nniġ-ak, nkr, tasit imjdin-nnk, tħadd s-tgħġġi-nnk.» 25 inkr ġakudan ġ-lgħiddam-nsn yasi maylli-f-ign iddu s-tgħġġi-ns ar-itallg̈ rb̄bi.

Luqa 6:17-19 Iliġ-d-igguż yasue d-irqqasn-ns, ibidd ġ-yan-udġar yastwan. munn-d fllas kigan d-imħdarn-ns d-mddn yađni ggutnin. uškan-d zġ-tsgiw n-yudaya ula urušalim ula zġ-tmdinin n-şur d-ṣayda lli-llanin ġ-tama n-umda imqqurn. 18 irin ad-sfldn i-iwaliwn-ns jjin zġ-tmuđan-nsn. ġakudan ar-ijjuji ula ġwilli ssrfu funn l̄jnuġ wħišnn. 19 ar-di-takmurn mddn kullutn ad-as-għarr, ašku ar-zgis-ttffuġ lbaraka. ar-tn-ijjuji kullutn.

Luqa 7:21,22 ġ-tasaet-an ar-ijjuji yasue kigan d-mddn ġ-llant-tmuđan d-waṭṭan d-l̄jnuġ wħišnn, ar-itrara ibukađn ggutnin ad-isfiwn. 22 isawl yasue yini-as: «zaydat tinim i-yuhanna f-ma-tżram ula ma-mi-tsflim. ha-ibukađn ar-ttisfiwn, ikušamn ar-fttun, injdamn ar-tġusn, iđrđar ar-sfildn, ġwilli mmutnin ar-d-nkkrn, imzlađ ar-tn-ilkkim lħbar ifulkin.

Luqa 8:2 ntnej d-kra n-tmägarin lli-ijjuji yasue zġ-tmuđan-nsnt issufġ zġ-gisnt l̄jnuġ wħišnn. tlla maryam lli-mi-ttinin ullt-magħdala, issufġ zġ-gis ssa l̄jnuġ.

Luqa 9:2 yazn-tn a-ttidun ar-tbrrahen f-tgħidit n-rb̄bi ar-ijjuji mddn.

Luqa 9:11 sfldn mddn ggutnin f-manis idda ċfurn-t. ifr̄i srsn yasue ar-asn-isawal f-tgħidit n-rb̄bi, ijjuji ġwilli uđnnin.

Luqa 13:12 Iliġ-tt-izra yasue iġr-as yini-as: «wa-tamġart, ha-kmmi tfsit zġ-uskrf-nnm.»

Luqa 13:32 imma yasue irur-asn: «zaydat tinim i-uwšn-an: <ha-yi ar-ssufuğj ljun
ar-jjujiğ mddn ġassad d-uzkka ar wis krađ-uwssan rad-kmmlğ.

Yuhanna 5:8,14 izayd yasue yini-as: «nkr, asi imjdin-nnk tddut.» 14 gir imikk s-n-
dids-imnaggar yasue ġ-tgmmi n-rbbi yini-as: «ha-kiyi tjit. a-ur-sul-tskart ddnub a-
ur-imil yili-ak kra yugwṛn ġayan.»

Yuhanna 14:12 lhqq ayad, lhqq a-rad-awn-iniğ. wanna sri yumnn, ra-iskar zund
iskkirn Ili-skarğ. ra-iskar ma-tn-yugwṛn, ašku rad-dduğ nkki s-baba.

Irqqasn 3:6 yini-as bṭrus: «ur-dari nnuqrt ula urğ, walaynni mayd dari illan, rad-ak-t-
fkj. s-ism n-yasue lmasiħ gu-naşira, nkr tftut.»

Irqqasn 5:15,16 Iliğ żran ayt-tmdint kullu mayad, ar-d-ssufuğn imuđan-nsn s-tswak,
ar-tn-srasn f-ibrdan-nsn ula imjdan-nsn, ar-trjun a-izri bṭrus iđr-d-umalu-ns f-kra
gisn. 16 iggut ma-d-ittaškin zg-iduran n-tsgiw n-urušalim, ar-di-tawin imuđan d-
imjnan, ar-kullu-tjin.

Irqqasn 10:38 tissanm f-yasue gu-naşira is-t-iemmr rbbi s-rruħ lquđus d-thkimt
itjhhdn, ar-itkka kraygatt mani ar-iskar afulki ar-ijjujjii kullu willi tyawkrrafnин s-
iskraf n-iblis, ašku illa dids rbbi.

Irqqasn 19:11,12 ar-iskar rbbi lmejjizat f-ufus n-bulus, ur-jju-żrin mddn zund ntnti. 12
ar-tawin išriwiđn ula tibannkiw zg-ufus-ns i-imuđan-nsn, ar-tjin ar-zgisn-tffuğn
ljun wħšnnin.

Ruma 8:26 ġmkad-nnit ad-aġ-itewan rruħ lquđus ġilad ġ-sul-nđef. ur-nssin ma-s-
ra-ntżalla i-rbbi ġmklli-aġ-d-iqqann, walaynni rruħ lquđus ar-t-fllannġ-itdalab s-
unfusn tħħdnin Ili-ugwṛnin iwaliwn.

1 Kurintus 12:9 yan yađni, ar-as-yakka s-rruħ-ad a-bahra-yamn. yan yađni, ar-as-
yakka s-rruħ-ad a-ijjujjii imuđan.

1 Kurintus 12:28 ġmkad a-iskr rbbi ġ-igzman n-umnaggar: imzwura gan irqqasn.
wis sin gan ġwilli ittinin s-mad-asn-imala rbbi. wis krađ gan imslmdn. ilin-dag
ġwilli skarnin lmejjizat, d-willi dar tawafka ad-ijjujjin imuđan, d-willi tħawannin d-
willi tguwwadnin d-willi sawalnin s-iwaliwn iğribn.

Filibbi 2:27 s-ħsaħt yuđn bahra ayllig illa f-lmut, imma rbbi iħnna gis. iħnna flla ula
nkki Iliğ-t-ijjujjii, ikkis flla taġuft-an zg-ħġifiwin yađni.

Yaεqub 5:14 iġ-illa kra n-yan gigun yuđnn, illa fillas a-yazn s-imġarn n-umnaggar
baš a-n-dars-aškin ħalb rbbi fillas zgurn-t s-zzit s-ism n-siditnng.

1 Bṭrus 2:24 nttañ a-yusin ddnub-nnġ ġ-ddat-ns f-uggjdi, baš a-nmmt i-ddnub nddr
i-ma-irđan rbbi. s-tiggas-ns a-s-tjim. (Išaëya 53:5)

3 Yuhanna 1:2 wa-gwma iżzzan, ħalb rbbi fllak a-tilit s-lħir, tdust ġ-ddat-nnk ġmklli
tdust ġ-rruħ-nnk.

Exodus 15:26; Deuteronomy 7:15 not get diseases of Egypt.

Išaëya 58:8 God heal speedy.

Irmiyya 30:17; Irmiyya 33:6 God heals.